

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst (“Službene novine Zeničko-dobojskog kantona”, broj 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona na 6. sjednici održanoj dana 16.04.2015. godine, d o n o s i

ZAKLJUČAK

I.

Usvaja se Izvještaj o namjenskoj potrošnji sredstava, odnosno izvršenju budžeta u Ministarstvu za rad, socijalnu politiku i izbjeglice za 2014. godinu.

II.

Zaključak stupa na snagu danom donošenja.

Broj: 02-_____/15
Datum, 16.04.2015. godine
Z e n i c a

P R E M I J E R

Miralem Galijašević

DOSTAVLJENO:

1x Ministarstvo za rad, socijalnu politiku i izbjeglice,
1x Ministarstvo finansija,
1x a/a.



IZVJEŠTAJ O NAMJENSKOJ POTROŠNJI SREDSTAVA, ODNOSNO IZVRŠENJU BUDŽETA U MINISTARSTVU ZA 2014. GODINU

U skladu sa Programom utroška sredstava planiranih Budžetom Zeničko-dobojskog kantona za 2014. godinu u Ministarstvu za rad, socijalnu politiku i izbjeglice, broj: 02-14-3163/14 od 06.02.2014. godine i broj: 02-14-23991/14 od 04.12.2014. godine, na pozicijama "Tekući transferi pojedincima" - ekonomski kod 614200, "Tekući transferi neprofitnim organizacijama" - ekonomski kod 614300, "Kapitalni transferi drugim nivoima vlasti" - ekonomski kod 615100 i „Ostala osnivačka ulaganja“ - ekonomski kod 821500 planirana su sredstva u iznosu od 30.386.611,00 KM.

Pregled izvršenja Budžeta u Ministarstvu za rad, socijalnu politiku i izbjeglice, za period januar- decembar 2014. godine, u dijelu koji se odnosi na pozicije: "Tekući transferi pojedincima", "Tekući transferi neprofitnim organizacijama", "Kapitalni transferi drugim nivoima vlasti" i „Ostala osnivačka ulaganja“, dat je u tabeli br.1.

Tabela br.1

Subanalitika	Naziv pozicije	Budžet za 2014.	Izvršenje Budžeta jan - dec 2014.	Index %
1	2	4	5	6
614200	Tekući transferi pojedincima	30.227.886,00	27.500.464,57	90,98%
KAD 201	Izdaci za raseljena lica	109.317,00	95.204,44	87,09%
KAD 202	Sredstva za podsticaj povratka izbjeglih i raseljenih lica	390.318,00	372.378,35	95,40%
KAD 203	Civilne žrtve rata	3.385.881,00	3.175.232,19	93,78%
KAD 204	Smještaj u drugu porodicu	272.539,00	251.844,80	92,41%
KAD 205	Naknada za porodijsko odsustvo	8.791.036,00	7.691.353,72	87,49%
KAD 206	Zdravstvena zaštita neosiguranih lica	164.026,00	164.026,00	100,00%
KAD 207	Ostali socijalni transferi	1.437.654,00	1.472.175,59	102,40%
KAD 208	Transfer za alternativni smještaj	116.870,00	97.527,31	83,45%
KAD 209	Naknada za pomoć i njegu drugih lica	2.355.996,00	2.214.346,88	93,99%
KAD 211	Novčana pomoć za nezaposlene porodilje	171.890,00	150.751,90	87,70%
KAD 213	Smještaj u ustanove socijalne zaštite	5.481.451,00	5.278.649,54	96,30%
KAD 215	Stalna novčana pomoć	1.177.934,00	1.157.807,30	98,29%
KAD 216	Osposobljavanje za život i rad	211.907,00	145.348,90	68,59%
KAD 217	Dodatak na djecu	4.868.904,00	4.239.291,60	87,07%
KAD 218	Jednokratna pomoć za opremu novorođenog djeteta	121.071,00	109.722,10	90,63%

V. B. B. B.
 B. B. B. B.

KAD 219	Pomoć u prehrani djeteta do 6 mjeseci i dodatna ishrana majke dojilje	408.167,00	435.053,95	106,59%
KAD 220	Transfer JU Sl. za zapošljavanje Zeničko-dobojskog kantona za podsticaj aktivnih mjera zapošljavanja	556.075,00	439.750,00	79,08%
	Poticaaj zapošljavanja mladih	206.850,00	10.000,00	4,83%
614300	Tekući transferi neprofitnim organizacijama	99.625,00	85.000,00	85,32%
KAX 002	Tekući transfer udruženjima	14.625,00	0,00	0,00%
	Tekući transfer za Crveni križ	10.000,00	10.000,00	100,00%
KAX 003	Tekući transfer iz prihoda za obilježavanje dječije nedjelje	75.000,00	75.000,00	100,00%
615100	Kapitalni transferi drugim nivoima vlasti	9.850,00	0,00	0,00%
821500	Ostala osnivačka ulaganja	49.250,00	49.250,00	100,00%
U K U P N O : I + II + III		30.386.611,00	27.634.714,57	90,94%

1. Izdaci za raseljena lica – KAD 201

Budžetom za 2014. godinu planirana su sredstva u iznosu od 109.317,00 KM za podmirenje osnovnih potreba raseljenih lica. Sa ovim sredstvima Ministarstvo je izvršavalo zakonske obaveze plaćanja sljedećih obaveza: potrošnje električne energije, grijanja, komunalne usluge, održavanja objekata, sahrana, kao i druge potrebe od značaja za ukupno zbrinjavanje raseljenih lica i izbjeglica koja su smještena u kolektivnim naseljima i objektima za smještaj raseljenih osoba koje se u bliskoj budućnosti ne mogu vratiti u svoje prijeratno prebivalište (stambeni objekti u naselju Radakovo i Crkvice u Zenici).

Sredstva su utrošena prema sljedećoj tabeli:

1.	Električna energija	10.571,00
2.	Toplotna energija	19.062,45
3.	Vodovod i kanalizacija	2.572,00
4.	Odvoz smeća	1.762,83
5.	Održavanje objekata	2.246,40
6.	Sahrane	8.190,81
7.	Kućna njega	45.324,00
8.	Jednokratne pomoći	5.200,00
UKUPNO KM:		95.204,44

2. Sredstva za podsticaj povratka raseljenih lica i izbjeglica – KAD 202

Budžetom za 2014. godinu planirana su sredstva u iznosu od 390.318,00 KM - ekonomski kod 614200. Sredstva na ovoj poziciji planirana su za provođenje programskih aktivnosti Ministarstva usmjerenih u pravcima učešća Kantona u obezbjeđivanju osnovnih pretpostavki od neposrednog značaja za povratak raseljenih osoba i održivost povratka.

U izvještajnom periodu januar-decembar 2014. godine utrošena su sredstva u iznosu od 372.378,35 KM, za sufinansiranje obnove putne i vodne infrastrukture, pomoć u nabavci i ugradnji

građevinskog materijala i stvaranje „minimalnih uvjeta za stanovanje“, pružanje potpore održivom povratku u povratničkim naseljima te provođenje drugih mjera i aktivnosti intervenirajućeg karaktera od ukupnog značaja za podsticaj, odnosno održivost povratka.

Sredstva su utrošena prema sljedećoj tabeli:

1. Jednokratne novčane pomoći za ugradnju građevinskog materijala i stvaranje „minimalnih uvjeta za stanovanje“	67.454,72
2. Obnova putne i vodovodne infrastrukture	258.923,63
3. Obnova vjerskih objekata	46.000,00
UKUPNO KM	372.378,35

3. Civilne žrtve rata – KAD 203

Za isplatu naknada civilnim žrtvama rata u Budžetu Zeničko-dobojskog kantona planirana su sredstva u iznosu 3.385.881,00 KM - ekonomski kod 614200. Finansiranje ovog prava je po modelu - 30% planiranih sredstava je iz Budžeta Zeničko-dobojskog kantona u iznosu od 978.768,00 KM i 70% planiranih sredstava je iz Budžeta Federacije BiH u iznosu od 2.407.113,00 KM.

U izvještajnom periodu januar-decembar 2014. godine za ovu namjenu utrošena su sredstva u iznosu od 3.175.232,19 KM, i to iz Budžeta Kantona izdvojeno je 926.914,43 KM, a iz Budžeta Federacije BiH izdvojeno 2.248.317,76 KM. Finansirano je 878 civilnih žrtava rata koje ostvaruju naknade za 1.061 prava, tj. prava na: ličnu invalidninu, pravo na ortopedski dodatak, pravo na dodatak za tuđu njegu i pravo na porodičnu invalidninu.

4. Smještaj u drugu porodicu – KAD 204

Budžetom za 2014. godinu planirana su sredstva u iznosu od 272.539,00 KM - ekonomski kod 614200. Na ovaj način obezbijedena je socijalna zaštita, odnosno zbrinjavanje djece i odraslih lica kojima je potrebna stalna briga i pomoć radi zadovoljavanja njihovih životnih potreba, a što se ne može ostvariti u krugu vlastite porodice ili na drugi način.

Za smještaj u drugu porodicu u izvještajnom periodu januar-decembar 2014. godine utrošena su sredstva u iznosu od 251.844,80 KM, za isplatu naknada hraniteljima za 112 djece na smještaju.

5. Naknada za porodijsko odsustvo - KAD 205

U Budžetu 2014. godine za ovu namjenu planirana su sredstva u iznosu od 8.791.036,00 KM - ekonomski kod 614200. Ovim sredstvima finansira se naknada plaće ženi majci u radnom odnosu kao i svi doprinosi i porezi u skladu sa Kantonalnim zakonom.

Za ovu namjenu u izvještajnom periodu utrošena su sredstva u iznosu od 7.691.353,72 KM, za isplatu naknada za 917 porodilja.

[Handwritten signature]

6. Zdravstvena zaštita neosiguranih lica - KAD 206

Budžetom za 2014. godinu na ovoj poziciji planirana su sredstva u iznosu od 164.026,00 KM - ekonomski kod 614200. U skladu sa Uputstvom Ministra, prema dostavljenim podacima putem centara za socijalni rad i općinskih službi za društvene djelatnosti, u toku izvještajnog perioda ovo pravo je ostvarivalo 3.850 korisnika.

Za finansiranje zdravstvenog osiguranja u 2014. godini na osnovu Odluke Vlade Zeničko-dobojskog kantona odobrena su sredstva u iznosu od 164.026,00 KM.

7. Ostali socijalni transferi - KAD 207

Budžetom za 2014. godinu planirana su sredstva u iznosu od 1.437.654 KM - ekonomski kod 614200. Ova sredstva su namjenjena za provođenje interventnih mjera i aktivnosti socijalno-zaštitnog karaktera u oblastima iz nadležnosti i odgovornosti Ministarstva.

Za ovu namjenu u izvještajnom periodu utrošeno su sredstva u iznosu od 1.472.175,59 KM, i to za:

- Pomoć javnim – humanitarnim kuhinjama.....200.000 KM
 - Projekat „Centar za rano podsticanje razvoja i ranu intervenciju za djecu sa posebnim potrebama“ u Zenici..... 158.000 KM
 - Projekat „Dnevni centar za djecu i odrasle osobe sa posebnim potrebama“ u Visokom..... 145.000 KM
 - Projekat „Sigurna kuća za žene i djecu – žrtve nasilja u porodici i zajednici za područje Zeničko-dobojskog kantona 54.720 KM
 - Jednokratne i privremene novčane pomoći putem centara za socijalni rad i službi za poslove socijalne zaštite..... 165.100 KM
 - Sufinansiranje realizacije projekta „Roma Action – podrška socio-ekonomskom uključenju romske populacije u BiH, putem obezbjeđenja stambenih jedinica i socio-ekonomskih mjera za aktivnim učešćem lokalnih vlasti“..... 80.000 KM
 - Jednokratna pomoć za sufinansiranje realizacije dijela aktivnosti projekta „Djeca Bosne“ u okviru provedbe Plana transformacije JU „Dom porodica“ Zenica 2014-2016.....10.000 KM
 - Pomoć za plaćanje privremenog smještaja za osobe nastradale usljed elementarnih nepogoda na području Zeničko-dobojskog kantona. Do kraja 2014. godine pravo na ovu pomoć ostvarila je 261 osoba, odnosno porodica, a odobrena utrošena sredstva su u iznosu..... 71.116 KM
 - Sufinansiranje projekata stambenog zbrinjavanja i obnove infrastrukturnih objekata za zbrinjavanje osoba nastradalih usljed elementarnih nepogoda koje su zadesile Zeničko-dobojski kanton u periodu od maja do avgusta 2014. godine.....325.390 KM
 - Socijalno zbrinjavanje radnika „Pilana“ d.o.o. Kakanj za uvezivanje i plaćanje radnog staža radi ostvarivanja prava na penziju.....131.264,64 KM
 - U 2014. godini za ostale dodatne potrebe intervencije socijalno zaštitnog karaktera od strane Ministarstva i Vlade kantona donešeno je 253 zaključaka kojima se odobrila jednokratna novčana pomoć socijalno-intervenirajućeg karaktera. Dodijeljena pomoć se ogledala u sljedećem: pokrivanja dijela troškova u nabavi ortopedskih pomagala za 14 lica/ porodica; prevazilaženje teške materijalne situacije za 88 lica/porodica; podrška u pokrivanju dijela troškova liječenja za 174 lica/porodica u iznosu: za potrebe osiguranja pomoći u funkciji poboljšanja uslova stanovanja za 10 lica/porodica; za podršku u pokrivanju dijela troškova sahrane-dženaze za 4 lica/porodice.
- Izdvojena su sredstva za ove svrhe u iznosu od.....131.585 KM.

8. Transfer za alternativni smještaj – KAD-208

Budžetom za 2014. godinu planirana su sredstva u iznosu od 116.870,00 KM za plaćanje stanarine raseljenim osobama sa priznatim pravom na privremeni smještaj - ekonomski kod 614200.

U izvještajnom periodu januar-decembar 2014. godine utrošeno je 97.527,31 KM, za finansiranje alternativnog smještaja za 76 porodica, odnosno 184 osoba.

9. Naknada za pomoć i njegu drugog lica – KAD 209

Budžetom za 2014. godinu planirana su sredstva u iznosu od 2.355.996,00 KM - ekonomski kod 614200. Ova sredstva su namijenjena za finansiranje prava na dodatak za njegu i pomoć od drugog lica za osobe sa utvrđenim invaliditetom u procentu od 100% i 90% oštećenja organizma koje su starije od 65 godina i refundaciju troškova pregleda kod Instituta za medicinsko vještačenje, u skladu sa Kantonalnim zakonom i propisima iz ove oblasti, kao i plaćanje medicinskog vještačenja za ostvarivanje prava iz oblasti socijalne zaštite.

U toku izvještajnog perioda utrošena su sredstva u iznosu od 2.214.346,88 KM, za finansiranje naknada za pomoć i njegu od strane drugog lica, i to za 1.567 korisnika i za refundaciju troškova medicinskog vještačenja za 274 korisnika.

10. Novčana pomoć za nezaposlene porodilje – KAD 211

Budžetom za 2014. godinu planirana su sredstva u iznosu od 171.890,00 KM - ekonomski kod 614200. Ovim sredstvima finansira se jednokratna novčana pomoć ženi majci koja nije u radnom odnosu, po svakom novorođenčetu.

U izvještajnom periodu januar-decembar 2014. godine za ovu namjenu utrošena su sredstva u iznosu od 150.751,90 KM, za isplatu naknada za 1.004 nezaposlenih porodilja.

11. Smještaj u ustanove socijalne zaštite - KAD 213

U Budžetu za 2014. godinu za ovu namjenu planirana su sredstva u iznosu od 5.481.451,00 KM - ekonomski kod 614200. Iz ovih sredstava finansiraju se troškovi smještaja, odnosno razlika do punog iznosa cijene smještaja u ustanovama socijalne zaštite za djecu i odrasla lica kojima je potrebna stalna briga i pomoć u zadovoljavanju životnih potreba, a ne mogu ih ostvariti u vlastitoj porodici ili drugoj porodici, kao što su: djeca bez roditeljskog staranja, djeca sa poremećajima u ponašanju, lica sa narušenim mentalnim i duševnim zdravljem, druga lica sa posebnim potrebama i stara lica bez porodičnog staranja.

U izvještajnom periodu januar-decembar 2014. godine, utrošena su sredstva u iznosu od 5.278.649,54 KM, za troškove smještaja 660 štićenika u ustanovama socijalne zaštite.

12. Stalna novčana pomoć - KAD 215

Budžetom su planirana sredstva u iznosu od 1.177.934,00 KM - ekonomski kod 614200. Iz ovih sredstava finansira se stalna novčana pomoć koju lica mogu ostvariti u skladu sa Kantonalnim zakonom. Za ovo pravo 60% sredstava se finansiraju iz Budžeta Kantona, a 40% iz Budžeta općina.

U izvještajnom periodu januar-decembar 2014. godine iz Budžeta Zeničko-dobojskog kantona za stalne pomoći izdvojeno je 1.157.807,30KM za 1.244 korisnika ovog prava.

13. Osposobljavanje za život i rad - KAD 216

Budžetom za 2014. godinu planirana su sredstva u iznosu od 211.907,00 KM - ekonomski kod 614200. Finansiranjem ovog prava obezbjeđuje se: rehabilitacija, obrazovanje i osposobljavanje za život slijepe i slabovidne djece, gluhe i gluhonijeme djece i djece ometene u psihofizičkom razvoju.

U izvještajnom periodu januar-decembar 2014. godine, utrošena su sredstva u iznosu od 145.348,90 KM, za 44 korisnika.

14. Dodatak na djecu - KAD 217

Za isplatu dječijeg dodatka u Budžetu Zeničko-dobojskog kantona planirana su sredstva u iznosu 4.868.904,00 KM - ekonomski kod 614200. Pravo na dječiji dodatak pripada porodici sa djecom koja se neposredno brine o djetetu ili djeci, u skladu i na način kako je to propisano u Kantonalnom zakona.

U izvještajnom periodu januar- decembar 2014. godine za dječiji dodatak utrošena su sredstva u iznosu od je 4.239.291,60 KM, za 13.518 korisnika odnosno za 22.494 djece koja ostvaruju dječiji dodatak.

15. Jednokratna pomoć za opremu novorođenog djeteta – KAD 218

Budžetom su planirana sredstva u iznosu od 121.071,00 KM - ekonomski kod 614200. Ovim sredstvima finansira se jednokratna pomoć za opremu novorođenog djeteta za majke porođilje koje nisu u radnom odnosu.

U izvještajnom periodu januar-decembar 2014. godine, za ovu namjenu utrošena su sredstva u iznosu od 109.722,10 KM, za 1.004 korisnika ovog prava.

16. Pomoć u prehrani djeteta do 6 mjeseci i dodatna ishrana majkama dojiljama - KAD 219

Budžetom za 2014. godinu planirana su sredstva u iznosu od 408.167,00 KM - ekonomski kod 614200.

U izvještajnom periodu januar-decembar 2014. godine, za ovu namjenu utrošena su sredstva u iznosu od 435.053,95 KM, za 475 korisnika ovog prava.

17. Transfer JU Službi za zapošljavanje, za podsticaj aktivnih mjera zapošljavanja - KAD 220

Budžetom za 2014. godinu planirana su sredstva u iznosu od 556.075,00 KM - ekonomski kod 614200.

U izvještajnom periodu januar-decembar 2014. godine, utrošena su sredstva u iznosu od 439.750,00 KM, i to:

1. za završetak „Program sufinansiranja zapošljavanja mladih nezaposlenih osoba bez radnog iskustva 100 VSS pripravnika u 2013/2014. godini“, utrošeno je 420.400,00 KM za zapošljavanje 103 VSS pripravnika,
2. za sufinansiranje projekta „Uspostava Centra za obrazovanje odraslih i stručno osposobljavanje i zapošljavanje CNC operatera, metalobrusača i obrađivača metala rezanjem za potrebe preduzeća Man Hummel ba Tešanj, Pobjeda d.d. Tešanj i Enker d.d. Tešanj“, utrošeno je 19.350,00 KM.

*Wah
gauric*

18. Poticaj zapošljavanja mladih

Budžetom za 2014. godinu planirana su sredstva u iznosu od 206.850,00 KM.

U izvještajnom periodu januar-decembar 2014. godine, utrošena su sredstva u iznosu od 10.000,00 KM, i to za sufinansiranje projekta „Stručno osposobljavanje, priprema za rad i zapošljavanje obučara za potrebe Company D&U d.o.o. Visoko“. Po ovom projektu zaposlene su 63 osobe prosječne starosti 30 godina.

19. Transfer udruženjima - KAX 002

Budžetom za 2014. godinu planirana su sredstva u iznosu od 14.625,00 KM - ekonomski kod 614300.

Nije izvršen utrošak sredstava na ovoj poziciji, s obzirom da zaključcima Vlade o utvrđivanju Plana novčanih tokova Budžeta Zeničko-dobojskog kantona na ovoj poziciji nisu odobravani rashodi iz budžetskih sredstava.

20. Tekući transfer za Crveni križ

Budžetom za 2014. godinu na ovom podtransferu planirana su sredstva u iznosu od 10.000 KM, za provođenje programskih aktivnosti Crvenog križa Zeničko-dobojskog kantona.

U izvještajnom periodu, a na osnovu Zaključka Vlade Zeničko-dobojskog kantona broj: 02-14-12908/14 od 24.06.2014. godine, utrošena su sredstva u iznosu od 10.000 KM.

21. Transferi iz prihoda za obilježavanje "Dječije nedjelje" – KAX 003

Budžetom za 2014. godinu planirana su sredstva u iznosu od 75.000,00 KM- ekonomski kod 614300. U skladu sa članom 33. Zakona o izvršavanju Budžeta Zeničko-dobojskog kantona ("Službene novine Zeničko-dobojskog kantona", broj: 19/12 i 14/13), utrošak sredstava na ovom transferu izvršen je nakon završene procedure po Javnom pozivu. Ministarstvo je donijelo Program obilježavanja „Dječije nedjelje“ u Zeničko-dobojskom kantonu za 2014. godinu, na koji je Vlada Zeničko-dobojskog kantona dala saglasnost Zaključkom, broj: 02-35-18192/14 od 12.09.2014. godine. Za obilježavanje „Dječije nedjelje“ Vlade Zeničko-dobojskog kantona je Odlukom, broj: 02-14-18193/14 od 12.09.2014 godine, odobrila sredstva u iznosu od 75.000,00 KM. Odluka se odnosi za 19 programa/ projekta čiji su nosioci javne ustanove i udruženja građana sa područja Zeničko-dobojskog kantona.

Na ovom transferu namjenski su utrošena sredstva u 2014. godini u ukupnom iznosu od 75.000,00 KM.

22. Kapitalni transferi drugim nivoima vlasti – ekonomski kod 615100

Budžetom za 2014. godinu planirana su sredstva u iznosu od 9.850,00 KM. Ova sredstva su namjenjena za finansiranje poboljšanja materijalnih, prostornih i tehničkih uslova za rad ustanova i službi socijalne zaštite.

Tokom 2014. godine sa ove pozicije nisu utrošena sredstva, s obzirom da zaključcima Vlade o utvrđivanju Plana novčanih tokova Budžeta Zeničko-dobojskog kantona na ovoj poziciji nisu odobravani rashodi iz budžetskih sredstava.

23. Ostala osnivačka ulaganja – ekonomski kod 821500

Budžetom za 2014. godinu planirana su sredstva u iznosu od 49.250,00 KM - ekonomski kod 614200.

Sredstva u iznosu od 49.250,00 KM utrošena su za uplatu osnovnog kapitala novoosnovane ustanove JU Centar za djecu i odrasle osobe s posebnim potrebama Zeničko-dobojskog kantona, s obzirom da je Zeničko-dobojski kanton osnivač navedene ustanove. Na 60. sjednici Skupštine Zeničko-dobojskog kantona održanoj 18.08.2014. godine usvojena je Odluka o osnivanju Javne ustanove Centar za djecu i odrasle osobe sa posebnim potrebama Zeničko-dobojskog kantona.

* * * * *

Izvršenje Budžeta Zeničko-dobojskog kantona za period januar - decembar 2014. godine, ukupno posmatrano, za pozicije: „Transfer pojedincima“, „Transfer neprofitnim organizacijama“, „Kapitalni transferi drugim nivoima vlasti“ i „Ostala osnivačka ulaganja“, iznosilo je 27.634.714,57 KM, to jest u procentu od 90,94 % u odnosu na ukupno planirana sredstva Budžetom za 2014. godinu na navedenim pozicijama.

Navedena sredstva utrošena su za planirane namjene, a u skladu sa Programom utroška sredstava planiranih Budžetom Zeničko-dobojskog kantona za 2014. godinu u Ministarstvu za rad, socijalnu politiku i izbjeglice, broj: 02-14-3163/14 od 06.02.2014. godine i broj: 02-14-23991/14 od 04.12.2014. godine.

Zenica, april 2015. godine

